

tior *Armamentariis*; quanto ratione, quam violentiâ; jure, quam injuriâ vincere præclarius censetur. Reip. Christianæ Scholarumq; permagni interesse, conservari cum Libros, tum Bibliothecas, nemini mortalium nisi Vervecum in patria nato queat esse obscurum. Laterent nos Mundi incunabula, & stupenda Dei facta: laterent Prophetarum Oracula, Judicum Acta, Regumq; ; imo & ipsius Salvatoris & Apostolorum gesta, si literarum librorumq; careremus subsidio. Hoc destituti nec Patrum scripta, nec Concilia, nec Hæreses, nec Martyria, nec Ecclesiæ Traditiones, nec Constitutiones, nec id genus mille alia haberemus. Scholarum item salutem pendere ab librorum salute, vel inde patet, quod nec Ecclesiæ, nec Scholæ sine librorum copia propagari conservarique possint. Uti enim sine Sole Sol videri nequit: Ita nec sine literarum Lumine, quod in libris inest, spiratque, & viget, Eruditorum monumenta nec intelligentur nec explicabuntur commode. Sunt enim libri Instrumenta à Deo benignissimo ad scientias in genere humano conservandas data. Quæ vero divina hæc Instrumenta conserventur, nî constituentur Eruditionis Officinæ, constitutisq; præfiantur, quorum opera curaq; sollicita præstentur indemnes, & à temporum injuria tutæ. Hoc etiam atq; etiam securum expendentes terrarum Domini & Magistratus cordati nunq.